

四庫全書

子部

欽定四庫全書

子部
黃氏日抄卷二十

詳校官中書_臣康綸鈞

刑部郎中_臣許兆椿覆勘

總校官進士_臣楊懋珩

校對官監丞_臣張曾炳

謄錄監生_臣劉為幹

欽定四庫全書

黃氏日抄卷二十

宋 黃震 撰

讀禮記

七

玉藻第十三

天子玉藻十有二旒前後邃延龍卷以祭

邃雖醉反
卷音袞

玉藻冕之飾也冕以板為頂藻以五采絲垂於板之前後為十有二旒旒各十有二就每一就貫以玉就間相去每一寸旒長尺二寸垂至齊肩為其以藻貫

玉故名玉藻十有二則法天數也延者用三十升布
染黃覆於冕上前後垂而延長深邃故曰前後邃延
龍卷之卷字本作袞畫龍於袞衣其形卷曲袞冕所
以祭先王之服先儒相傳謂前旒蔽明亦習之誤此
獨祭祀之袞冕為然欲其專精神以饗神也若視朝
則皮弁服何蔽塞之有哉

集孔氏周
氏程氏說

玄端而朝日於東門之外聽朔於南門之外

玄端者端衣名而色玄古者端衣或施於冕或施於

冠樂記曰魏文侯端冕而聽古樂此施於冕者冠禮
曰冠者玄端緇布冠內則曰子事父母冠綏端韞紳
公西華曰端章甫晉侯端委以入武宮晏平仲端委
以立于虎門此施於冠者東門南門皆謂國門諸侯
告朔於廟明其受之於祖也天子聽朔於南門之外
明其受之於天也聽者受之義

集陸氏及論語注及方氏

閨月則闔門左扉立于其中

扉門扇左陽也闔其左而由右者閨非正也

用方氏補

皮弁以日視朝遂以食日中而餽奏而食日少牢朔月

太牢五飲上水漿酒醴醢

以支反

弁用皮體自然也以視朝之服而食敬也日中而餽
不改造以厚養也奏樂而食和以養其心志也日少
牢崇其儉也朔月太牢敬其始也五飲上水味以淡
為本也漿以汁滓相將其味酢七故反者也酒清酒醴
甘酒醢以粥釀醴漿厚於水醴厚於酒醢厚於醴凡
五飲皆以淡為本而漸及於醴厚也

用應氏
方氏補

卒食玄端而居動則左史書之言則右史書之御瞽幾聲之上下

御瞽當御之樂官幾察也樂以中聲為本聲之上下皆非中故幾之魏文侯云鐘聲不比乎左高晦菴云和峴造樂於周我太祖神聖令降一分其聲遂和

補氏

年不順成則天子素服乘素車食無樂

自貶損也

鄭氏

諸侯玄端以祭禕冕以朝皮弁以聽朔於大廟朝服以日視朝於內朝

禕埤也天子六服大裘為上其餘為禕內朝路寢門

外之正朝也

孔氏
鄭氏

朝辨色始入君日出而視之退適路寢聽政使人視大夫大夫退然後適小寢釋服

辨色始入所以防微日出而視所以優尊朝而臣先於君所以明分守退而君後於臣所以防怠荒視大

夫退然後敢退所以體羣臣而均勞逸

陳氏方氏

又朝服以食特牲三俎祭肺夕深衣祭牢肉朔月少牢

五俎四簋子卯稷食菜羹夫人與君同庖

稷食之食音嗣

三俎豕魚腊五俎加羊與其腸胃四簋黍稷稻粱子

日紂死卯日桀亡後王以為忌祭肺祭先食周人尚

肺也祭牢肉夕食非始殺止於肉而不必肺也○朝

服以食享一國之奉不可忽也朔月豐於朝夕敬始

也稷食菜羹忌日貶也夫人同庖不特殺也

用鄭氏補

君無故不殺牛大夫無故不殺羊士無故不殺犬豕君

子遠庖厨凡有血氣之類弗身踐也

踐古音蒧
今如字讀

故謂因祭祀無故不殺仁也庖宰殺之所厨烹飪之
所凡有血氣之屬弗身踐謂雖若螻蟻之微猶弗忍
踐之此以小明大血氣之屬弗身踐况忍無故而殺

乎

用應氏
陸氏補

至于八月不雨君不舉年不順成君衣布搢本闕梁不
祖山澤列而不賦土功不興大夫不得造車馬

衣布謂若衛文公大布之衣摺本謂天子之笏名珽
諸侯之笏名荼士竹笏其本飾之以象今以凶年自
賤去珽荼佩士笏而但摺挿其竹本無象飾也列言
遮列但遮列使不得非時而取而不取其賦也○春
秋書正月至于七月不雨見咎徵也三傳不達聖人
之意乃曰不為災故不書旱豈有不雨者七月而不
為災此曰至于八月不雨君不舉者後儒惑於三傳
也不然則誤且謬矣

長樂
劉氏

卜人定龜史定墨君定體

定龜者天龜玄地龜黃東青西白南赤北黑俯者靈
仰者繹前弁果後弁獵左倪靄右倪若其屬不一定
之者定其所當用卜祭天用靈卜祭地用繹春用靄
秋用若之類也定墨者卜必以墨畫龜而灼之大圻
從墨為兆廣小圻旁出為兆豐定之者土兆橫木兆
直金兆從右邪上火兆從左邪上水兆曲以大小長
短明暗為吉凶或卜凶事又以短小為吉又有旋者

吉大橫吉大橫庚庚庚是豹地庚庚然定體者體
如體王其罔害體無咎言定之者既得五行之兆體
君定其體之吉凶占人云君占體是也卜人定龜先
視龜之上下左右陰陽大史定墨以視其兆圻人君
定體視兆所得而斷其吉凶卑者視小尊者視大也

馬氏
孔氏

君羔臂虎犴大夫齊車鹿臂豹犴朝車士齊車鹿臂豹

犴

犴音覓犴音
直齊側皆反

軾之制有衡以橫其上有植以直乎下帟若席然施諸軾上註謂之覆苓詩韓奕謂之幟周禮巾車謂之禕○羔帟虎植此君齊車之飾臣之朝車與齊車同飾言朝車於大夫士之間知兼大夫士言之也

鄭氏方氏

君子之居恒當戶寢恒東首若有疾風迅雷甚雨則必變雖夜必興衣服冠而坐

首手又反

當戶嚮明東首順生氣變而衣服冠起坐敬天怒

鄭氏

日五盥沐稷而饋梁櫛用櫛櫛髮晞用象櫛進機進羞

工乃升歌浴用二巾上絺下綌出扞履蒯席連用湯履

蒲席衣布晞身乃屨進飲

鹽音管 磻音悔 搯則乙反 檠章善反 襪其既反 扞音雱 連

力旦反

盥洗手沐沐髮磻洗面浴洗身稷與梁用其潘汁也
櫛梳櫛白理木晞乾象櫛象齒為梳襪沐而進飲以
祝福進羞以庶羞薦之工升歌謂以樂侑絺綌精綌粗
扞浴盆蒯蒹蒲軟連用湯者初出浴履蒯繼以湯去
足垢而履蒲乃用布晞其身納履而進飲進飲不進

羞工亦不升歌浴殺於沐也。○日必五盥於其間而沐浴焉所以滌其垢致其樂而養其和者亦無所不至沐之瀋則先稷而後梁既沐之櫛則先櫛而後象浴之中則上絺而下綌既浴之席則先蒯而後蒲大抵初則先其粗者用刷湯之力後則用其精者盡潤養之功既沐而升歌所以作其陽既浴而進飲所以養其陽而浴之禮殺於沐又以首為尊也

用應氏周氏補

將適公所宿齋戒居外寢沐浴史進象笏書思對命既

服習容觀玉聲乃出揖私朝輝如也登車則有光矣

史謂大夫亦有史官也笏者忽也書事以備忽忘者也漢初亦有秉笏奏事蓋手執眼觀口誦於君前也書思對命言書所思念欲以對君之命孔氏謂書此思對命三事亦通既著朝服私習儀容又觀容以聽佩玉之聲使與行步相中行出至於己之私朝揖其屬臣而行輝如可觀登車則有光儀拱挹之不盡形容之莫措矣

用孔氏
晦庵補

天子搢珽方正於天下也諸侯荼前詘後直讓於天子也大夫前詘後詘無所不讓也

珽他頂反荼音舒
延平周氏如字讀

搢謂扱

與挿同

笏於紳天子之笏曰珽珽直也故其制

直云方正於天下釋其以直臨下之義也諸侯之笏曰荼荼舒也舒緩也進則屈於天子退則伸於國人故其制前屈而後有讓於天子者釋前詘之義也大夫進詘於天子退詘於諸侯故其制前後皆詘無所不讓釋前後皆詘之義也周氏以荼為茅之秀云笏

飾以荼猶玉飾以蒲姑兼存之以俟來者考焉

用周氏方

補氏

侍坐則必退席不退則必引而去君之黨登席不由前為躡席徒坐不盡席尺讀書食則齊豆去席尺

侍坐必退席不敢與尊者並也不退亦須去就君之親黨以避之不敢近尊也登席不敢由前恐躡踐其席也無所事而徒坐則不盡席之前有餘一尺至讀書與食則近前而與席齊讀書欲聲聞長者食恐汙

席也設豆去席一尺食坐盡前則豆當又在其前也

用鄭氏

方氏補

若賜之食而君客之則命之祭然後祭先飯辯嘗羞飲

而俟若有嘗羞者則俟君之食然後食飯飲而俟

飯上聲
辯音遍

祭祭先也禮敵者共食則先祭臣侍君而賜之食不

祭君以客禮待之則得祭又須君命之祭乃敢祭君

未食而臣先食徧嘗羞膳示行臣禮為君先嘗食之

義也嘗羞畢歆飲而俟君食臣乃敢食飲者飯之渚

禮食先啜飲以滑喉也

孔氏

君命之羞羞近者命之品嘗之然後唯所欲凡嘗遠食必順近食君未覆手不敢殮君既食又飯殮飯殮者三飯也君既徹執飯與醬乃出授從者

羞近者避貪味也順近食從近始也覆手謂已食而釋其挾覆手不用也殮夕食也先儒以為勸食者朝食為一夕食為再以勸之使食因謂之殮為其再食也君未覆手弗敢殮者待君一食之竟然後敢勸之

使再也如是者三故曰飯飧者三飯也執飯與醬授從者食於尊者之前當親徹也

鄭氏方氏

凡侑食不盡食食於人不飽唯水漿不祭若祭為已侑

卑

條虛涉反

不盡食不飽謙也水漿不祭非盛饌也已謂已甚也

條卑薄也言水漿若祭則太卑薄也

鄭氏方氏

君若賜之爵則越席再拜稽首受登席祭之飲卒爵而俟君卒爵然後授虛爵君子之飲酒也受一爵而色洒

如也二爵而言言斯禮已三爵而油油以退退則坐取
屨隱辟而后屨坐左納右坐右納左

洒先典反言魚
斤反辟匹亦反

洒如明兒言言和兒油油悅敬兒古以言言斯為句
今以斯禮已為句謂二爵而言言然和敬斯已為禮
至三爵則油油然悅敬而退不敢過三爵也退則取
屨隱辟而納之不敢當長者而屨也坐左納右坐右

納左凡以順手足之便

用說文孔氏
陸氏方氏補

凡尊必上玄酒唯君而尊唯饗野人皆酒大夫側尊用

於士側尊用禁

於於據反

上玄酒不忘古也君面尊專其惠也饗野人謂蜡祭時唯用酒而不用水賤者用恩而已不備古禮也側尊在賓主兩楹之旁避君之嫌也於今木罍上有四周下無足禁有足皆所以頓酒尊使不動者也

鄭氏孔氏

方氏

始冠緇布冠自諸侯下達冠而敝之可也

緇布冠存古耳始冠暫用即敝棄之

鄭氏周氏

玄冠朱組纓天子之冠也緇布冠績綌諸侯之冠也玄冠丹組纓諸侯之齊冠也玄冠綦組纓士之齊冠也

戶績

內反纓目佳反綦音其又其記反

績備五采綦蒼艾雜色纓所以結冠綌所垂之飾○

玄冠朱組纓緇布冠績綌皆始冠之冠下皆齊冠

鄭氏

緇冠玄武子姓之冠也緇冠素紕既祥之冠也垂綌五

寸惰游之士也玄冠緇武不齒之服也

紕音埤

武冠卷

音權

也紕緣邊也子姓適孫也孫是子之所生

故曰子姓。祖亡故冠用縞。父在故武用玄。此孫為祖既祥之冠。冠用縞帛。以兆吉緣以素紕以示凶。此子為父既祥之冠。垂綫五寸。游惰之象。黜冠縞武以罰之者。不齒之服。

方氏
陸氏

居冠屬武。自天子下達有事然後綫

燕居之冠。冠武相連率略也。古者施冠於首然後加武以約之。有事然後綫。燕居無事者去飾也。

五十不散送親沒不髦。大帛不綫。玄冠紫綫。自魯桓公

始也

散昔旦反

五十送喪不服散麻經始哀不備禮也親沒不髦去
為子之飾也大帛䟽帛不縷者凶服去飾也玄冠而
用不正之紫色為縷其失禮自魯桓公始也

鄭氏

朝玄端夕深衣深衣三祛縫齊倍要杜當旁袂可以回

肘

朝直遙反祛起魚反要一遙反縫音逢齊音咨祛而審反

祛袂末袂者袖也三祛者言深衣之廣三倍於袂之
末也縫齊者衣下之裾也要者衣之中齊者衣之裾

縫齊倍要者其裾之廣倍於要也祛尺二寸圍之為二尺四寸三其祛為七尺二寸今其下倍之則大四尺四寸也衽襟也當旁在其側也袂之廣取其可以

回肘

鄭氏

長中繼揜尺袷二寸祛尺二寸緣廣寸半以帛裏布非

禮也

袷音劫

長者長衣垂之於外者也中者中衣服之於內者也長中二衣與深衣大同小異繼者接袖也繼揜尺者

繼袂口而拚餘一尺謂幅廣二尺二寸以半幅繼續
袂口比深衣袖多長一尺以拚覆於外也袷領也以
交而合故名曰袷二寸者言其廣也袷袂口也尺二
寸言袂口之廣也緣廣寸半言領袖之緣也裏者袂
也凡衣用帛則裏亦帛用布則裏亦布若以帛裏布
則是以細而副麤故非禮

用鄭氏陳
氏方氏補

士不衣織無君者不貳采衣正色裳間色

衣音意織音
志間去聲

織者先染絲然後織若錦之屬功多色重士賤不得

衣之無君則弔故服素而不二之以采衣在上故用

青黃赤白黑五方之正色裳在下故用綠紅碧紫駢

黃五方之間色

用孔氏補

非列采不入公門振絺綌不入公門表裘不入公門襲

裘不入公門

振讀如殄山陰陸氏如字訓舉

列采謂正服文采成列也振絺綌謂禪音丹著絺綌而

無表衣以蔽衣則襲表裘謂服裘於外而無正服以

被之則簡襲裘謂裘必當褻反而襲之不見美則疑

於弔故皆不當入公門凡裘上必有裼衣裼衣上又

有襲衣裼者所以露其文采

用方氏補

纁為繭緼為袍禪為絅帛為褶

禪音丹褶音牒

纁新綿緼舊絮絅禪衣褶袂衣

朝服之以縞也自季康子始也孔子曰朝服而朝卒朔
然後服之曰國家未道則不充其服焉

卒朔謂卒告朔之時告朔服皮弁告朔畢脫去皮弁
而後服朝服也。朝服以布不以純以緇不以縞後

世反之者始乎季康子之失禮也朝服緇衣素裳待
皮弁告朔訖然後服之盛服非有道者不能充其服
謂若彼其之子不稱其服之類

用方氏補

唯君有黼裘以誓省大裘非古也

黼裘以黑羊皮雜狐白為黼文以作裘誓謂前祭十
日誓戒省謂前祭三日省牲大裘天子邾天之服
惟君黼裘以誓省後世有用大裘故記者譏之曰非
古

君衣狐白裘錦衣以裼之君之右虎裘厥左狼裘士不

衣狐白

楊思
歷反

狐白裘以狐腋之白毛為之裼者袒而有衣曰裼露
肉曰袒裼天下無粹白之狐而有粹白之裘則狐白
裘天下之尤難得者紂以狐白免西伯田子方以狐
白禮子思田文以狐白脫秦患狐白之貴可知故惟
君衣之而以素錦為衣覆之使可裼右虎裘左狼裘

衛尊者宜武猛也

陳氏
齊氏

君子狐青裘豹褰玄綃衣以裼之麕裘青豸褰絞衣以裼之羔裘豹飾緇衣以裼之狐裘黃衣以裼之錦衣狐

裘諸侯之服也

褰音袖綃音消麕音豸豸音岸絞戶交反

褰袖綃綺屬犴胡犬絞蒼黃色麕鹿子羔羊子○裘

必有衣各隨其色之相稱

補

犬羊之裘不裼不文飾也不裼裘之裼也見美也弔則龍裘不盡飾也君在則裼盡飾也服之襲也充美也是故尸襲執玉龜襲無事則裼弗敢充也

見賢通反

袒而見裘曰裼揜而充裘曰襲見言見於外充言實
於內○裘之上有裼衣裼衣之上有襲衣襲衣之上
有正服裘之必裼以見美為敬故君在則裼惟尸居
尊位無所敬於下故不裼而襲執玉執龜敬在寶瑞
故不裼而襲苟無事則必裼蓋臣之於君不敢自充
其美必以著見其美為事上之敬也

用鄭氏
方氏補

笏天子以球玉諸侯以象大夫以魚須文竹士竹本象
可也

球美玉魚須文竹者以鯨魚之須文飾其竹竹本象

者用竹本而象飾之

孔氏

見於天子與射無說笏入太廟說笏非古也小功不說
笏當事免則說之既搢必盥雖有執於朝弗有盥矣凡
有指畫於君前用笏造受命於君前則書於笏笏畢用

也因飾焉

說他活反免音
問造七報反

說脫去也吉事無所說笏免者喪事以布繞頭交額
前而哭惟當執事與免之時則說笏造君所而受命

則書於笏事事畢用笏以笏為重故因而加飾焉

鄭氏

方氏

笏度二尺有六寸其中博三寸其殺六分而去一

其中博三寸明上下二首不博三寸也君殺其上下夫士又殺其殺之而其首廣二寸半以便於搢與指

畫

鄭氏王氏

而素帶終辟大夫素帶辟垂士練帶率下辟居士錦帶

弟子縞帶并紐約用組

辟婢支反讀如裨率音律并必政反紐女久反組音祖

辟讀如裨冕之裨謂以繒采飾帶之側也終辟者盡其帶皆飾辟垂者止於帶之紐及末垂處有飾率謂綆緝率下辟者止於其末下有飾居士不仕者用錦帶尚文弟子承學者用縞帶尚質并並也紐帶之交結處也以物穿紐約結其帶並用組為之也

鄭氏
孔氏

韞君朱大夫素士爵韋園殺直天子直公侯前後方大夫前方後挫角士前後正

韞音
必

韞蔽膝也亦名芾名韍名韎韞爵韋者凡韞皆以韋

為之士之韞色如爵於士言韋總上文也圓殺直三等之制天子直無圓殺也公侯前後方殺四角使之方變於天子也大夫前方後挫角挫角則圓也士前後正者正方直之間或曰前亦挫角於是為正也韞以下為前以上為後

用孔氏
陸氏補

韞下廣二尺上廣一尺長三尺其頸五寸肩革帶博二寸

頸中央也以上下皆大而中特小如人之頸肩兩角

也以其在兩旁如人之肩兩角皆上接草帶以繫之故肩與草帶其廣同并言博二寸大帶用組約不堪

縣繫故繫於草帶

方氏
孔氏

大夫大帶四寸雜帶君朱綠大夫玄華士緇辟二寸再

繚四寸凡帶有率無箴功

繚音了
箴音針

雜猶飾雜帶即上之帶辟也玄華緇辟皆帶飾以

婢音

等而殺耳二寸而再繚之亦四寸也率綷也凡帶謂

有司之帶亦綷之如士帶無箴功謂不婢之也

鄭氏

一命緼黻幽衡再命赤黻幽衡三命赤黻葱衡天子素

帶朱裏終辟

緼音溫黻音弗幽讀如黝

緼赤黃之間色衡佩玉之衡蓋瑤也幽黑色葱青色

王后褱衣夫人揄狄

褱音輦揄音搖狄讀如翟

褱為輦揄為搖皆翟也伊雒而南素質五色皆備成

章曰輦江淮而南青質五色皆備成章曰搖王后之

褱衣畫輦夫人之揄狄畫搖

孔氏

三寸長齊于帶紳長制士三尺有司二尺有五寸子游

曰參分帶下紳居二焉紳韠結三齊

三寸謂約帶紐組之廣也長齊于帶與紳齊也紳帶之垂者也士之紳其制長三尺有司謂府史之屬長止二尺五寸便於趨走承事也帶通四尺五寸尺五寸繞腰三尺垂前於紳故曰三分帶下紳居二焉帶之垂紳蔽膝之韠承約組帶之結三者齊長

用鄭氏孔氏補

君命屈狄再命褱衣一命褱衣士褱衣

屈音闕褱音鞠山陰陸氏如翬

音禮張戰反
褱吐亂反

屈周禮作闕狄翟也翟即雉畫雉於衣命婦之服故
曰君命屈狄褱翟也畫翟於衣上文云王后褱衣其
制必在屈狄之上故曰再命褱衣○然褱衣既為王
后之服卿大夫妻亦再命得之其制必有少異猶天
子諸侯之同其袞冕也一命褱衣褱展也士未命其
妻祿衣祿或作稅展衣白祿衣黑集陸氏
孔氏
唯世婦命於奠繭其他則皆從男子奠音獻
孔如字
世婦謂天子二十七世婦以下也世婦及命婦入助

蠶畢獻繭凡獻物必先奠於地故曰奠繭奠繭者有
功於祭服而命之不專為夫其餘非助蠶者不須奠
繭之命惟從夫之爵故云皆從男子

本孔氏說

凡侍於君紳垂足如履齊頤雷垂拱視下而聽上視帶

以及袷聽鄉任左

齊音皆雷力救反
袷音却鄉許亮反

紳垂則身磬折也齊者裳之下緝如履齊者謹於移
步也雷者屋簷身俯則垂其頤如屋雷也拱沓手也
身俯則宜手沓而下垂也視下者視高則傲故下矚

聽上者侍尊宜諦聽故聽上視帶及袷者視尊者之
身下不過帶高不過袷袷衣領也聽鄉任左者聽之
所鄉以左為任左近君也

孔氏

凡君召以三節二節以走一節以趨在官不俟屨在外
不俟車

節以玉為之君召臣有一節時有二節時故合云三
節急則二節臣故走緩則一節臣故趨在官不俟屨
者古者官府近列君側席地而坐登席解屨聞召即

往故不俟屨在外不俟車者退食於外徒馭皆散

倉卒未易遽集故或不容於俟車

孔氏應氏

士於大夫不敢拜迎而拜送士於尊者先拜進面荅之拜則走

凡皆不敢以主禮自居也先拜進面謂拜竟乃進面

親相見

本孔氏

士於君所言大夫沒矣則稱諡若字名士與大夫言名士字大夫

字名謂字其名即稱字也。○隱其名而稱其諡與字所以謹分守存謙退亦體其君尊賢悼往之心。應氏於大夫所有公諱無私諱凡祭不諱廟中不諱教學臨文不諱

此明有不得而諱者義各有在也。補

古之君子必佩玉右徵角左宮羽趨以采齊行以肆夏周還中規折旋中矩進則揖之退則揚之然後玉鏘鳴也故君子在車則聞鸞和之聲行則聞佩玉是以非辟

之心無自入也

齊讀作齊
還音旋

右徵角左宮羽玉聲之所中也徵為事角為民可以
勞故在右宮為君羽為物宜逸故在左采齊路門外
之樂節逸詩肆夏路門外之樂節九夏之一也周旋
是直去却回來其回轉處欲其圓而中規折旋是直
去復橫去其橫轉處欲其方而中矩鸞在衡和在式

非鄭氏
及晦庵

君在不佩玉左結佩右設佩居則設佩朝則結佩齊則

結佩而爵韠

結佩
耕反

不佩玉非盡去之也特結其玉不使鳴以收斂為敬
耳左佩德佩玉也故結之右佩事佩木燧大觚之屬
以備使令故設之結則結其佩又屈上之以齊而思
神明心不在事也爵韠祭服

應氏
鄭氏

凡帶必有佩玉唯喪否佩玉有衝牙君子無故玉不去
身君子於玉比德焉

佩玉以聲而節行衝牙者佩之所以成聲者也凡佩

上繫於衝下垂三道穿以螭珠下端之前後縣以璜
其中央下端縣以衝牙動則衝牙前後觸璜而為聲
所觸之玉其形似牙故曰衝牙

孔氏

天子佩白玉而玄組綬公侯佩山玄玉而朱組綬大夫
佩水蒼玉而純組綬世子佩瑜玉而綦組綬士佩璫玟
而緼組綬孔子佩象環五寸而綦組綬

綬音受純為緼
則其反瑜羊朱

反綦音其璫而充反
緼音溫玟武中反

山玄水蒼色所以也綬者所以貫佩玉相承受者也

純當為緇古文作絲綦青黑色瑜美玉璫玟石次玉者緼赤黃間色山陰陸氏純與緼皆如字純以絲為之緼以纊為之免改本文而義亦明徑合從之也孔子象環豈自為之制歟記者傳聞而說者曲為之議似意之耳

童子之節也緇布衣錦緣錦紳并紐錦束髮皆朱錦也用錦為緇布衣之緣又紳帶及約帶之紐皆用錦并以錦為總而束髮其錦皆用朱色之錦此童子之飾

其以父母存而尚采歟

用孔氏補

肆束及帶勤者有事則收之走則擁之

肆古音肆今讀如字

肆伸之也束所以約帶之組紐也勤謂執勤勞之事也伸束及帶所以為容有事則收之身須趨走則擁抱之於懷或云此承上文言童子以朱錦束髮肆之

使至帶

陳氏陸氏

此篇自而素帶終辟以後至走則擁之鄭氏謂多錯簡天台賈蒙依其說改次前後今錄下方天子素帶

朱裏終辟而素帶終辟

而衍字元本無諸侯字疑脫

大夫素帶辟

垂士練帶率下辟居士錦帶弟子縞帶并紐約用組
三寸長齊于帶紳長制士三尺有司二尺有五寸子
游曰三分帶下紳居二焉紳鞞結三齊大夫大帶四
寸雜帶君朱綠大夫玄華士緇辟二寸再繚四寸凡
帶有率無箴功肆束及帶勤者有事則收之走則擁
之

童子不裘不帛不屨約無總服聽事不麻無事則立主

人之北南面見先生從人而入

俱其反

絢履頭飾。不裘帛恐太溫也不履絢未成禮也不

服總惟聽給事而不服麻無事則旁立為其幼也從

人而入不敢獨勞長者與為禮也

用孔氏
陸氏補

侍食於先生異爵者後祭先飯客祭主人辭曰不足祭

客殮主人辭以䟽主人自置其醬則客自徹之一室之

人非賓客一人徹壹食之人一人徹凡燕食婦人不徹

飯扶晚反
殮音孫

先生尊者也異爵貴者也饌不為已設故後人而祭
示為尊者嘗食故先人而飯也客祭盛主人之饌客
飧美主人之食故主人皆辭之䟽言麤也主人自置
醬者敬客客自徹者敬主一室之人自食非有賓客
惟使少者一人徹壹食謂若同盤而食亦惟一人徹
不以無賓主而廢禮也婦人不徹弱不備禮也

鄭氏
孔氏

方氏
輔氏

食棗桃李弗致于核瓜祭上環食中棄所操凡食果實

者後君子火孰者先君子有慶非君賜不賀有憂者勤者有事則收之走則擁之

操七刀反先
後並去聲

環謂瓜外圓中虛橫斷之形如環操謂手所持者。弗致于核謂懷核不置於地也食瓜亦祭先祭以其上環食其中棄其手之所操果實陰陽所成產之味以先食為新故後於君子而食火孰謂和所成之味以後食為謹故先於君子而食有慶非君賜不賀陸氏并下文有憂者釋之云有憂者有慶唯君賜然後

賀勤者有事則收之走則推之前章之文重出

鄭氏孔氏

方氏

孔子食於季氏不辭不食肉而殮

凡客將食興辭而孔子不辭凡禮食先載次殽至肩則飽乃殮孔子又不食而殮是季氏失禮而孔子以

微意警之是亦教誨之也

孔氏輔氏應氏

君賜車馬乘以拜賜衣服服以拜賜君未有命弗敢且乘服也君賜稽首據掌致諸地酒肉之賜弗再拜凡賜

君子與小人不同日

乘服以拜敬君惠也非經君命雖有車馬衣服不敢
輒乘服也據掌以左手覆按右手之上致諸地者致
首於地恭之至也酒肉之賜弗再拜輕也賜君子小
人不同日謹尊卑也

鄭氏孔氏陸氏

凡獻於君大夫使宰士親皆再拜稽首送之膳於君有
葷桃茆於大夫去茆於士去葷皆造於膳宰大夫不親
拜為君之荅已也

造七報反
為于偽反

宰謂善宰主飲食官葷辛菜桃桃枝荊葵帚皆熏菝不祥者。大夫使宰獻士親獻皆拜送膳於君所熏菝其不祥造詣膳宰而進之大夫不敢親拜進君者

恐煩君之答已

鄭氏孔氏

大夫拜賜而退士待諾而退又拜弗答拜大夫親賜士士拜受又拜於其室衣服弗服以拜敵者不在拜於其室

大夫拜竟即退不待報恐君召進而答已也士賤君

無答拜之禮又待小臣傳君之報諾而後退又拜者
又拜君之諾報也弗答拜者君不答士拜也大夫賜
士士既拜受又往拜謝於大夫之室所謂再拜也衣
服弗服以拜者君之賜則服以拜大夫輕於君故不
服其所賜而拜也敵己者有賜而不在家不及拜受
則往拜謝於賜者之室也

本孔氏說

凡於尊者有獻而弗敢以聞士於大夫不承賀下大夫
於上大夫承賀親在行禮於人則稱父人或賜之則稱

父拜之

弗敢以聞恐其瀆也如少儀云致馬資於有司及所謂贈從者之屬皆弗敢以聞也士卑於大夫不敢受其賀下大夫於上大夫尊近故受賀父在行禮與受賜皆稱父事統於尊也

鄭氏孔氏方氏

禮不盛服不充故大裘不裼乘路車不式

服襲為充美於內惟盛禮乃然大裘不裼是以祀天禮盛也乘路不式路車亦以祀天禮盛無他敬也

父命呼唯而不諾手執業則投之食在口則吐之走而不趨親老出不易方復不過時

唯速於諾走速於趨

方氏

親瘠色容不盛此孝子之疏節也父沒而不能讀父之書手澤存焉爾母沒而杯圈不能飲焉口澤之氣存焉

爾

瘠才細反
圈起權反

疏粗圈屈木所為卮匱之屬手澤汗之所漬津之所漬○親病而憂未為至孝親沒而觸痛不忍可以觀

其孝矣

補

君入門介拂闌大夫中振與闌之間士介拂振賓入不

中門不履闌公事自闌西私事自闌東

闌魚列反
根直衛反

闌門中央所豎短木振門兩旁長木介副也賓之拂
謂衣拂之也上介近君稍中故衣拂闌大夫之介微
遠於闌故中於振與闌之兩間士介卑去闌遠故拂
振不中門者嫌於自尊不履闌者嫌於自高公事謂
聘享為國而與主君敵故自闌西客禮也私事謂私

覲為已則從主君而已故自闡東不敢以客禮自居

也

集鄭氏孔氏方氏說

君與尸行接武大夫繼武士中武徐趨皆用是疾趨則欲發而手足毋移圜豚行不舉足齊如流席上亦然端行頤雷如矢弁行剡剡起屨執龜玉舉前曳踵蹢蹢如

也

圜舉達反豚大本反齊音皆

君天子諸侯也尸祭祀象神之尸也武迹也接武蹢蹢半迹繼武迹相及中武迹間容迹凡徐趨皆用與尸

行之節疾趨屢常欲起手足猶宜直正不得邪低搖
動圈轉脈循也轉足循地而行不舉足謂足不離地
也齊裳下緝也足既不動則裳下曳地如水流於地
之狀也端行謂直行或謂端冕之行頤如屋雷之垂
行如矢之直也并行謂急行或謂戴弁之行剡剡銳
利屨頭起發之狀也執龜玉則舉前而曳其後踵足

跼跼如有循

鄭氏孔氏方氏

凡行容惕惕廟中齊齊朝廷濟濟翔翔

齊才兮切
翔音洋

惕惕直疾貌齊齊恭慤貌濟濟有威儀矜莊翔翔行而張拱

君子之容舒遲見所尊者齊遯足容重手容恭目容端口容止聲容靜頭容直氣容肅立容德色容莊坐如尸

燕居告溫溫

齊音咨
遯音速

舒遲德性自然也齊遯則見所尊又警而變遯猶慤也足容重舉欲遲手容恭拱而正目容端毋淫視口容止無妄言聲容靜不噦咳頭容直不傾顧氣容肅

似不息立容德中立不倚儼然有德之氣象色容莊

勃如戰色坐如尸不動也告謂教使燕居時告教人

溫溫然匪怒伊教也

鄭氏孔氏應氏

凡祭容貌顏色如見所祭者

如覩其人在此

鄭氏

喪容纍纍色容顛顛視容瞿瞿梅梅言容繭繭

顛音田又丁年

切瞿紀具反

喪容總言之其下分言之皆喪容也纍纍羸憊貌顛

顛摧落貌瞿瞿驚遽貌梅梅曖昧貌繭繭聲氣卑微

也

鄭氏孔氏補

戎容暨暨言容詒詒色容厲肅視容清明立容辨卑毋

調頭頸必中山立時行盛氣顛實揚休玉色

詒五恪反辨古音賤

今讀如字

顛音田

戎容總言之其下分言之皆戎容也暨暨果毅貌詒

詒教令嚴立容辨卑毋調古通為一句謂雖自賤卑

而無諂媚山陰黃氏各三字為句立容明辨雖卑遜

而毋失之諂媚也山立如山不動也時行時而即行也盛氣顛實戰勇之氣顛實於中也揚休揚其休美

玉色粹美瑩徹也

用鄭氏孔氏補

凡自稱天子曰予一人伯曰天子之力臣諸侯之於天子曰某土之守臣某其在邊邑曰某屏之臣某其於敵以下曰寡人小國之君曰孤擯者亦曰孤上大夫曰下臣擯者曰寡君之老下大夫自名擯者曰寡大夫世子自名擯者曰寡君之適公子曰臣孽士曰傳遽之臣於

大夫曰外私大夫私事使私人擯則稱名公士擯則曰寡大夫寡君之老大夫有所往必與公事為賓也

適音的使

色吏反賓

必刃反

屏謂屏衛中國擯相也公子庶子也故自稱孽傳遽以車馬給使士自稱職之卑也士臣於大夫曰私人此士既不與大夫為臣故對大夫稱曰外私公士擯者謂正聘用公家之士賓介也

鄭氏孔氏

明堂位第十四

昔者周公朝諸侯於明堂之位天子負斧依南鄉而立
三公中階之前北面東上諸侯之位阼階之東西面北
上諸伯之國西階之西東面北上諸子之國門東北面
東上諸男之國門西北面東上九夷之國東門之外西
面北上八蠻之國南門之外北面東上六戎之國西門
之外東面南上五狄之國北門之外南面東上九采之
國應門之外北面西上四塞世告至此周公明堂之位
也

塞先
代反

斧即黼依卽展為屏風畫斧形在戶牖間負者背之而立也九采九州之牧四塞謂夷服在四方為蔽塞者周公相成王漢儒以為代之朝諸侯傳聞既不審矣鄭康成又竟指天子為周公何過耶有周朝諸侯之位見於康王之誥亦不過東西二伯帥之此書五等諸侯與四夷各班又以九州之牧次於四夷之外皆未安

補

明堂也者明諸侯之尊卑也昔殷紂亂天下脯鬼侯以

饗諸侯是以周公相武王以伐紂武王崩成王幼弱周公踐天子之位以治天下六年朝諸侯於明堂制禮作樂頒度量而天下大服七年致政於成王成王以周公為有勲勞於天下是以封周公於曲阜地方七百里草車千乘命魯公世世祀周公以天子之禮樂是以魯君孟春乘大路載弧韜旂十有二旒日月之章祀帝于郊配以后稷天子之禮也

弧音胡
韜音獨

弧旌旗所以張幅者韜則韜弧之衣○明堂布政之

堂明取嚮明之義今日明諸侯之尊卑是特釋位之
為義耳然諸侯之班爵素定其尊卑不待此而後明
也成王幼周公以冢宰聽其政今日踐天子之位周
公無此事也周室班爵之制諸侯不過百里今日地
方七百里周室無此制也魯惠公始請郊於東周至
僖公然後用郊春秋書之以著其非今日成王命魯
公祀帝于郊成王亦未嘗有此舉也封爵當以孟子
為正魯郊當以呂覽為正蓋皆周末先秦之書也明

堂位作於漢儒漢儒多出於魯魯之僭大始於春秋
遂有矯飾之說傳流至漢漢儒因而述之弗考爾

補

李夏六月以禘禮祀周公於太廟牲用白牡尊用犧象
山罍鬱尊用黃目灌用玉瓚大圭薦用玉豆雕篋爵用
玉琖仍雕加以璧散璧角俎用杞薪升歌清廟下管象
朱干玉戚冕而舞大武皮弁素積裼而舞大夏昧東夷
之樂也任南蠻之樂也納夷蠻之樂於太廟言廣魯於

天下也

犧古素何反今如字墓息緩又袒管反琖側眼
反散先旦反歲居衛反杞苦管反任而林反

帑大祭白牡殷牲犧尊畫犧象尊畫象罍貯酒而給
於尊者為之雷文以示戒故曰罍山謂刻山雲為罍
也鬱尊者盛鬱鬯之尊黃目黃彝也鏤金為龜目故
曰黃目灌謂酌鬱尊以獻瓚形如槃容五升以大圭
為柄是謂圭瓚玉豆以玉飾豆簋邊屬以竹為之雕
者刻飾其柄爵者酌酒獻尸之杯琖夏后氏爵名飾
之以玉仍雕者因爵之形而為之飾也加者加爵琖
則爵而已一升曰爵四升曰角五升曰散皆爵之大

者壁者以壁飾其口俎盛肉者虞俎名梳直而有脚
夏俎名歲脚中央添橫木下管象者堂下吹管以播
象武之詩朱干干盾也以朱飾其背玉戚戚斧也以
玉飾其柄大武周舞大夏夏舞素積者素衣其衣積
疊昧東夷樂名任南蠻樂名○凡皆侈言魯用天子
禮樂且自釋其義以為廣魯於天下然天下周之有
而云欲廣魯於天下將何為耶補

君卷冕立于阼夫人副褱立于房中君肉袒迎牲于門

夫人薦豆籩卿大夫贊君命婦贊夫人各揚其職百官廢職服大刑而天下大服是故夏禘秋嘗冬烝春社秋省而遂大蜡天子之祭也

卷音衮
禘音輝

卷冕龍袞而冕副首飾禕輦也衣之所畫○凡亦侈言魯用天子禮樂然於祭祀而云百官廢職服大刑則三代之王未聞有承祀者不職而加之極刑者也若云姑為是法而已則天下何從而大服夫四罪而天下服舜實見之行事然後天下服爾若為之法而

天下服何速耶

補

太廟天子明堂庫門天子皋門雉門天子應門振木鐸於朝天子之政也

魯之太廟即天子之明堂也魯之庫門即天子之皋門也魯之雉門即天子之應門也魯以木鐸振於朝是亦天子之布政也每事以天子誇魯之盛而不知此魯之失也

補

山節藻梲復廟重檐刮楹達鄉反坫出尊崇坫康圭疏

屏天子之廟飾也

稅專悅反辯許亮反康苦浪反舉也馬氏請如字安也

節今屋梁之斗拱山節刻山為文也稅今梁上之短柱藻稅畫藻為飾也復廟重屋也凡前殿曰廟後殿曰寢揔而名之皆曰廟也重檐者就外簷下壁復安板檐以避風與雨之灑壁也刮楹者刮之使淨楹者柱也達鄉者達之使明鄉者牖屬反坫者嚮外之坫出尊者謂置酒尊而出於坫之上也崇坫者崇高之坫康圭者謂受賓圭而安於坫之上也凡坫皆以土

築之屏者今桴思謂城隅缺上為屋以覆屏牆之小樓疏者刻為雲氣蟲獸○凡亦侈言魯之用於廟皆

天子之廟飾也

補

鸞車有虞氏之路也鉤車夏后氏之路也大路殷路也乘路周路也有虞氏之旂夏后氏之綏殷之大白周之大赤夏后氏駟馬黑鬣殷人白馬黑首周人黃馬蕃鰲夏后氏牲尚黑殷白牡周騂剛泰有虞氏之尊也山罍夏后氏之尊也犧象周尊也爵夏后氏以琖

殷以箏周以爵灌尊夏后氏以雞夷殷以箏周以黃目
其勺夏后氏以龍勺殷以疏勺周以蒲勺土鼓黃桴鼗

簫伊耆氏之樂也拊搏玉磬拊擊大琴大瑟中琴小瑟

四代之樂器也

鬣力軌反蓄音煩著直略反箏音嫁勺
布灼反黃讀為由苦對反與塊同梓音

浮葦于鬼反
拊居八反

鸞車車有鸞和為行節也鈎車鈎曲也謂車有曲輿
蓋曲其前闌也大路木路乘路玉路此四代車路之
別旂之制始於舜子華子云舜建太常綏者旂旒之

係於繩而垂者也殷尚白周尚赤此四代旂常之別
白馬黑鬣曰駱馬以毛物為主而鬣又毛之長者故
以鬣言夏尚黑故用黑鬣駱白黑相間也蕃赤也凡
言馬夏黑殷白周駢剛赤色此三代牛牲之別泰瓦
尊山壘畫為山雲之形著者尊無足而底著地犧象
者畫犧與象為尊之飾此四代尊之別琖鍾之小者
謂卑淺若琖然故名琖筭稼也畫為禾稼爵象雀有
足而尾比三代爵之別灌尊灌鬯之尊也雞夷即雞

彝刻木為難形而畫難於彝尊畫禾稼黃目饌目而飾以金勺灌尊所用以酌酒者也龍勺勺為龍頭䟽勺謂通刻勺頭為雉頭也蒲勺謂刻勺為鳬頭其口微開如蒲草本合而末微開此三代灌尊及勺之別土鼓築土為鼓蕢桴以缶同為桴葦籥截葦為籥籥者如笛而三孔伊耆氏古之本始禮樂者拊取聲淺搏取聲深拊猶戛謂戛杙擊謂擊敵皆所以節樂者此四代之樂之別又推其始於伊耆氏者也。車也

旂也牲也尊也爵也勺也樂也皆前代帝王之制魯兼用之記者侈言之施之周公之廟猶日報功施之

魯國難乎免於僭矣

周陳氏補

魯公之廟文世室也武公之廟武世室也米廩有虞氏之庠也序夏后氏之序也瞽宗殷學也類宮周學也崇鼎貫鼎大璜封父龜天子之器也越棘大弓天子之戎器也夏后氏之鼓足殷楹鼓周縣鼓垂之和鍾叔之離磬女媧之笙簧夏后氏之龍箏虞殷之崇牙周之壁翬

有虞氏之兩敷夏后氏之四璉殷之六瑚周之八簋俎
有虞氏以梲夏后氏以歲殷以楨周以房俎夏后氏以
楬豆殷玉豆周獻豆有虞氏服韍夏后氏山殷火周龍
章有虞氏祭首夏后氏祭心殷祭肝周祭肺夏后氏尚
明水殷尚醴周尚酒有虞氏官五十夏后氏官百殷二
百周三百有虞氏之綏夏后氏之綢練殷之崇牙周之
壁翬凡四代之服器官魯兼用之是故魯王禮也天下
傳之久矣君臣未嘗相弑也禮樂刑法政俗未嘗相變

也天下以為有道之國是故天下資禮樂焉

敷音對又都雷切棋

俱甫切楊苦瞎

切綱叨刀切

魯公伯禽武公伯禽之玄孫名敖以魯此二廟比周
文武之廟世室言不毀也米廩魯學謂即虞之庠皆
言養也與序瞽宗類宮總言魯兼四代之學也崇貫
封父越皆國名棘即戟大弓武王之弓此言魯有天
子之器也鼓足鼓有四足也楹鼓以柱貫中縣則在
上垂叔女媧皆古人名和鍾編鍾離磬特磬笙簧笙

中作簠簋虞所以縣鍾磬橫曰簠植曰虞龍其飾也
崇牙謂於簠之上刻木為崇牙之形以挂鍾磬璧翬
者畫繒為扇戴小璧於其上此言魯前代之樂器也
敦琕瑚簋皆黍稷器椀斷木為四足巖添橫距楸曲
橈之如枳棋樹枝房俎下橫闊如房楬豆以木為柄
獻謂䟽刻之此言魯兼前代之禮器也鼓即敝膝之
鞀山火龍章所畫之文此言魯兼前代之祭服也祭
首心肝此言魯兼前代之祭禮也尚明水醴酒此言

魯兼前代之獻酒也官五十至三百此言魯兼前代

之官制也綏謂旌旗之綏綢練謂綢杠以練

杠旂竿

崇

牙刻繒為崇牙之形以飾旌旗之側翼如扇形以障

柩車戴之以璧此言魯兼前代之葬儀也凡四代帝

王之服器官魯果兼用之非特分之所不當亦恐力

之所不及春秋時魯弑三君又公廟立於私家自三

桓始夫人之不命於天子自魯昭公始士之有誅由

魯莊公始婦人之髻而弔自臺駘始玄冠紫綏自魯

桓公始朝服之以縞自季康子始今云君臣未嘗相弑政俗未嘗相變亦近誣矣雖曰隱惡不若不言之

愈也

用鄭氏及慶源輔氏補

喪服小記第十五

斬衰括髮以麻為母括髮以麻免而以布齊衰惡筭以

終喪

衰七雷反為子為反免音汶

斬衰父服始死括髮以麻若為母始雖亦以麻至俟尸出堂後又哭則改而免以布免者以布為卷幘以

約四垂短髮自項而前交於額也齊衰惡笄以終喪

者婦人質於喪有除無變

鄭氏

男子冠而婦人笄男子免而婦人髻其義為男子則免

為婦人則髻

免音汶

男子吉有冠喪則玄冠而免婦人吉有笄喪則去笄

而髻

補

苴杖竹也削杖桐也

杖之別

祖父卒而后為祖母後者三年

承重

為父母長子稽顙大夫弔之雖總必稽顙婦人為夫與長子稽顙其餘則否

婦人既嫁則所重在夫

補

男主必使同姓婦主必使異姓

異姓謂同宗之婦

鄭氏

為父後者為出母無服

重在父

親親以三為五以五為九上殺下殺旁殺而親畢矣

殺邑

反界

三者已與父及子三世也以三為五者上因父而及
祖下因子而及孫則為五以五為九者上因祖而及
及高祖下因孫而又及玄孫為九也上殺者祖以上
服漸輕下殺者孫以下服漸輕旁殺者高祖以下之
旁從服亦漸輕而至於盡矣

用鄭氏補

王者禘其祖之所自出以其祖配之而立四廟庶子王亦如之

庶子立為王與適子為王者其奉先廟制同

補

別子為祖繼別為宗繼禰者為小宗有五世而遷之宗其繼高祖者也

別子者諸侯之庶子別為後世之始祖繼別者別子之世長子為其族之宗所謂百世不遷之大宗也繼禰者別子庶子之長子為其昆弟之宗所謂五世則

遷之小宗也小宗有四或繼高祖或繼曾祖或繼禰
皆至五世而遷特舉繼高祖者言之耳

鄭氏

是故祖遷於上宗易於下尊祖故敬宗所以尊祖禰也
祖遷於上謂高祖之父以次而祧也宗易於下謂繼
高祖而下三從族父以次而疎也因尊祖故敬宗宗
者祖禰之正體故敬宗所以尊己之祖禰也

孔氏

庶子不祭祖者明其宗也庶子不為長子斬不繼祖與

禰故也

斬謂斬衰

庶子不祭殤與無後者殤與無後者從祖祔食庶子不祭禰者明其宗也

殤與無後者皆祔於祖祖與禰皆宗子祭

禰

親親尊尊長長男女之有別人道之大者也

言服之所以降殺

鄭氏

從服者所從亡則已屬從者所從雖沒也服妾從女君而出則不為女君之子服

從服謂於己無服於己所從之人有服己所從之人
既沒則己謂若君母之父母昆弟若妾為女君之黨
君母與女君既沒不必為之服也屬者骨血連屬以
為親屬從則非於己非親而徒從人為服者比如子
從母而服母之黨夫從妻而服妻之黨母與妻雖沒
猶為其黨服也妾為女君之黨服故為女君之子服
若妾與女君俱出女君雖猶為其子服替而妾則義

絕無服矣

用鄭氏
說補

禮不王不禘

禘者禘其祖之所自出惟王為然諸侯以下及始祖

耳補

世子不降妻之父母其為妻也與大夫之適子同

為子
偽反

適丁
歷反

妻父母不降服為妻故親之也為妻齊衰而不杖父

為主子不得伸也

鄭氏
孔氏

父為士子為天子諸侯則祭以天子諸侯其尸服以士

服父為天子諸侯子為士祭以士其尸服以士服

尸服以父之爵祭食以子之爵然父為士而子為天子與父為天子而子為士乃後世事人情所不忍言而漢人言之若以義例明禮似不若父為大夫子為士之說安也

補

婦當喪而出則除之為父母喪未練而出則三年既練而出則已未練而反則期既練而反則遂之

當喪當舅姑喪。女嫁則恩隆於夫家被出則恩復

隆於父母得反則恩復隆於夫家

方氏

再期之喪三年也期之喪二年也九月七月之喪三時也五月之喪二時也三月之喪一時也故期而祭禮也期而除喪道也祭不為除喪也三年而后塋者必再祭其祭之間不同時而除喪

再期云三年期云二年皆占禪言之也言喪節應歲時之氣喪祭與除喪不同時再祭謂祥與練

鄭氏

大功者主人之喪有三年者則必為之再祭朋友虞祔

而已

身有大功九月喪而主同姓三年之喪則必為之再祭以盡三年喪之禮若為朋友主則既葬後虞祭祔

廟而止

補

士妾有子而為之總無子則已

妾以有子為恩

補

生不及祖父母諸父昆弟而父稅喪已則否

稅他活反
又他外反

稅者日月已過始間喪而追服。此謂父在他邦生

己已不及識祖父祖母諸父昆弟聞其死已過時而

父追服已無追服

本鄭
比說

為君之父母妻長子君已除喪而后聞喪則不稅降而
在總小功者則稅之

卿大夫出聘君諸親之喪已除則不必追服蓋從服
者其情輕也總小功不稅則是遠兄弟終無服故必
追服之蓋屬從者其情重也遠兄弟輕服皆自父祖
之親降殺而及之故云降而在總小功

補

近臣君服斯服矣其餘從而服不從而稅君雖未知喪臣服已

此言君出朝聘未反而君之諸親有喪者從行卑近之臣則隨君而服不問服限之已除未除也其餘為臣之貴者君親服限未除則從之服若已除不從之追服若在國之臣君雖在外未知諸親之喪其臣先已喪服矣

用孔氏補

虞杖不入於室附杖不升於堂

此論哀殺去杖之節

孔氏

為君母後者君母卒則不為君母之黨服

為君母後謂無適立庶為後也君母卒則不為君母

之黨服異於適也適為後從母沒亦服母之黨

用孔氏補

經殺五分而去一杖大如經

殺色界反

首經大一搯搯謂拇指與第二指一圍也要經較小

杖大如要經

晦庵及鄭氏說

妾為君之長子與女君同

重正統也

鄭氏說

除喪者先重者易服者易輕者

除喪謂練男子除子首婦人除子帶易服謂先遭重喪後遭輕喪男子易子帶婦人易子首男重首經女

重要經也

鄭氏說

無事不辟廟門哭皆於其次

辟埤亦反

廟殯宮辟開也次謂倚廬。鬼神尚幽廟宜閉

鄭氏說補

復與書銘自天子達於士其辭一也男子稱名婦人書

姓與伯仲如不知姓則書氏

復招魂銘明旌○周禮天子復曰皐天子復則不稱

名取妻亦無不知姓者先儒遂以此為殷禮

集鄭氏孔氏

斬衰之葛與齊衰之麻同齊衰之葛與大功之麻同麻同皆兼服之

初服麻既虞變葛斬衰之葛齊衰之麻經皆五寸七分之一帶五寸二十五分寸之十九齊衰之葛大功之麻經皆五寸二十五分寸之十九帶四寸百二十

五分寸之七十六兼服之者謂若斬衰卒哭男子變要經以葛若又遭齊衰之麻易葛帶其首經猶是斬衰之麻是兼之也下放此

鄭氏凡山陰陸氏

報葬者報虞三月而后卒哭

報鄭音赴陸氏如字

報鄭讀為赴疾之赴云不及期而葬訓急疾也山陰陸氏謂不及期而葬者報而後知之故云報葬即及期則有會而無報○急葬者急虞祭安神宜急也凡虞祭畢即卒哭今卒哭必待三月已之喪痛則奪之

不忍急也

合孔氏
陸氏說

父母之喪偕先葬者不虞祔待後事其葬服斬衰

偕俱也謂父母同月若同日死先葬者母也先輕葬

服斬衰從重雖葬母亦以父之服父未葬不得變服

也

鄭氏
孔氏

大夫降其庶子其孫不降其父大夫不主士之喪

大夫降其庶子者父於子本期服今大夫尊而庶子

賤故降服大功也其孫不降其父者孫謂庶子之子

大夫於庶子之服雖降於庶子之子不降重繼世也
不降其父謂亦服大功如於庶子也孔氏方氏皆謂
庶子之子不降其父猶為三年卑不可以降尊也亦
通恐子無降父服之理不必立此言耳大夫不主士
之喪謂不以尊攝卑

補

為慈母之父母無服

慈母撫己者也父雖命為母子本非骨肉故止為慈
母服不為慈母之父母服異於生已之母也

用孔氏補

夫為人後者其妻為舅姑大功

夫為本生父母期其妻降一等不貳降也

合熊氏
鄭氏說

士祔於大夫則易牲

祖為大夫孫為士孫死祔祖用大夫牲少牢不敢以

卑牲祭尊也

鄭氏
孔氏

繼父不同居也者必嘗同居皆無主後同財而祭其祖
稱為同居有主後者為異居

繼父謂母後嫁之夫母嫁子不隨固無繼父之名自

無服此言夫死妻稚子幼無大功之親隨母嫁後夫
後夫亦無大功之親彼此同財而祭其祖禰是為同
居其服期有主後而異財為異居其服三月

鄭氏
孔氏

哭朋友者於門外之右南面

變於有親者也門外寢門外右西邊賓也南面嚮南

以荅弔客

鄭氏
孔氏

祔葬者不筮宅士大夫不得祔於諸侯祔於諸祖父之
為士大夫者其妻祔於諸祖姑妻祔於妾祖姑亡則中

一以上而祔祔必以其昭穆諸侯不得祔於天子天子諸侯大夫可以祔於士

宅葬地中一以上謂超越一位各隨昭穆○前人已葬者不再並祔則隨其爵卑不得祔尊尊得祔卑

孔氏

為母之君母母卒則不服

母之君母外祖適母也母在而為之服已則從之服母若亡則不復為之服所謂從服者所從亡則已

用鄭

孔氏補

宗子母在為妻禪

父在適子為妻不杖不杖則不禪父沒母存則為妻得杖且禪矣此嫌宗子尊疑厭其妻故特言之謂雖宗子母在亦為妻禪蓋宗子尊則其妻亦尊不得以

母在為厭也

本質氏說

為慈母後者為庶母可也為祖庶母可也

妾子無母者父命他妾養之名慈母有服記因觸類既為慈母服亦可為庶母庶祖母服庶母父妾嘗生

子者祖庶母祖之妾嘗生子者

為父母妻長子禫

四者皆重故為之禫

補

慈母與妾母不世祭也

以其非正於子祭於孫止

鄭氏

丈夫冠而不為殤婦人笄而不為殤為殤後者以其服服之

冠笄則成人矣凡殤皆未成人而死者也未成人無

為父之道苟為其後惟以本親之服服之

本鄭氏說

久而不葬者唯主喪者不除其餘以麻終月數者除喪則已

未葬不除喪其餘旁親大功以下以麻終月數者喪限既滿則除之不待主人之既葬也

用鄭氏補

箭筭終喪三年

箭筭以箭為筭此言女為父服

齊衰三月與大功同者繩屨

齊哀三月為尊者服大功九月為卑者服故雖月數

不同而同以繩為屨

用孔氏補

練筮日筮尸視濯皆要經杖繩屨有司告具而后去杖
筮日筮尸有司告事畢而后杖拜送賓大祥吉服而筮
尸

練期年之祭大祥再期之祭濯謂漑祭器臨事去杖
事畢而杖以拜送賓皆敬也大祥吉服不以函臨吉

也

鄭氏

庶子在父之室則為其母不禫庶子不以杖即位父不主庶子之喪則孫以杖即位可也父在庶子為妻以杖即位可也

庶子為母不禫為父在厭也不以杖即位下適子也位朝夕哭位也孫以杖即位祖不厭孫孫得伸也父在庶子為妻以杖即位父不主妻喪故亦不主庶婦

而子得伸也

鄭氏
孔氏

諸侯弔於異國之臣則其君為主諸侯弔必皮弁錫衰

所弔雖已葬主人必免主人未喪服則君亦不錫衰

免音

問

錫麻之滑易者○諸侯弔其臣其君代之主禮敵也
必皮弁錫衰諸侯之弔服也雖已葬必免後時而主
從其容也未服喪亦不錫衰先時而客從其主也

補

養有疾者不喪服遂以主其喪非養者入主人之喪則
不易已之喪服養尊者必易服養卑者否

養有疾者不喪服求生主吉惡其凶也遂以主其喪

謂疾者死無主後此養者為之主養時既去其服及
為主時遂與素無服同也非養者入主人之喪則不
易已之喪服謂疾時既不去服為之養死後亦不必
易服而為之喪惟服其服而來也養尊者必易服養
卑者否謂養尊者疾有忌早於我者無忌也

合鄭氏
孔氏

妾無妾祖姑者易牲而祔於女君可也

女君適祖姑也易牲而祔若女君少牢妾則特豚下

一等也

鄭氏
孔氏

婦之喪虞卒哭其夫若子主之祔則舅主之士不攝大夫士攝大夫唯宗子主人未除喪有兄弟自他國至則主人不免而為主

免音問

虞卒哭私室之哀自主之若祔於祖廟則尊者宜主之也惟宗子可以士攝大夫宗子尊也不免而為主

親質不崇敬也

本鄭氏說

陳器之道多陳之而省納之可也省陳之而盡納之可

也

省所領反

陳器之道如其陳之數而納之正也即雖多陳之而少納之省陳之而盡納之禮亦不禁是之謂可山陰陸氏奔兄弟之喪先之墓而後之家為位而哭所知之喪則哭於宮而后之墓

骨肉自然之親不特由主人故先之墓若所知由主人而後致哀故先哭於其宮然皆為已葬者言也孔氏父不為衆子次於外

於庶子略故惟居寢孔氏

與諸侯為兄弟者服斬

兄弟期喪而服斬衰者以其為君也

方氏

下殤小功帶澡麻不絕本誦而反以報之

謂本期親在下殤降為小功者澡治其麻使白以為帶不斷絕其麻之根屈而上至要中合而紉之明親

重也報猶合凡殤之帶散垂

鄭氏孔氏方氏

婦祔於祖姑祖姑有三人則祔於親者其妻為大夫而卒而后其夫不為大夫而祔為其妻則不易姓妻卒而

后夫為大夫而祔於其妻則以大夫牲

親祖姑謂舅所生不易牲以士牲

為父後者為出母無服無服也者喪者不祭故也

適子當祭不敢為私喪廢祖父之祭故不為出母服

應氏

婦人不為主而杖者姑在為夫杖母為長子削杖女子
子在室為父母其主喪者不杖則子一人杖

姑在為夫杖姑不厭婦也母為長子削杖不可重於

子之為已也女子子在室無男昆弟使同姓為攝主

不杖則子一人杖謂長女也

鄭氏

總小功虞卒哭則免既葬而不報虞則雖主人皆冠及
虞則皆免為兄弟既除喪已及其葬也反服其服報虞
卒哭則免如不報虞則除之遠葬者比反哭者皆冠及

郊而后免反哭

免音問報音赴陸如字讀

報古注以為急疾山陰陸氏以為告報之報免者以
布繞項交前額而哭也。禮葬曰即虞虞則免既葬

而未虞則雖主人且皆冠及虞則皆免兄弟既除喪而後葬報虞則免否則除之夫虞者虞度之義既葬而反祭於室虞度其神之所在而安之故以是日葬即以是日虞今乃有既葬而不報祭者豈葬之地去其室遠非於同日可虞者耶山陰陸氏謂過時而葬者禮使後其虞以責子道未知然否補

君弔雖不當免時也主人必免不散麻雖異國之君免也親者皆免

君過時而弔亦免為君變也

木鄭氏說

除殤之喪者其祭也必玄除成喪者其祭也朝服縞冠
除殤之喪異成人成人除喪後禫祭方玄端

奔父之喪括髮於堂上袒降踊襲經于東方奔母之喪
不括髮袒於堂上降踊襲免于東方經即位成踊出門
哭止三日而五哭三袒

堂上殯宮堂上出門哭止者出殯宮門就於廬哭者
止聞喪已久異於初死時在家者哭踊無節也三日

五哭者始至訖夕哭明日與又明日之朝夕哭凡五也三袒者始至袒明日又明日之朝袒凡三也然哀痛之情恐不若是拘

鄭氏孔氏補

適婦不為舅後者則姑為之小功

謂夫有廢疾他故若死而無子不受重者故不為舅後適婦大功以不為後降小功小功庶婦服也

本鄭氏說

大傳第十六

禮不王不禘王者禘其祖之所自出以其祖配之諸侯

及其太祖大夫士有大事省於其君于裕及其高祖
王者禘其祖之自出而以其祖配如周禘帝嚳而以
后稷配諸侯祫祭則及其始封之祖大夫士必有大
事勲勞見省錄於其君而後得及其高祖謂之于裕

于上達也

用王氏
葉氏說

牧之野武王之大事也既事而退柴於上帝祈於社設
奠於牧室遂率天下諸侯執籩豆逡奔走追王大王賈

父王季歷文王昌不以卑臨尊也

逡息俊反追
王之王去聲

牧室牧野之室逯疾也。○不以卑臨尊此漢儒之說
而非追王之本意大王王季文王乃武王之祖父豈
待追王而後尊雖未追王而以祖父下臨其子孫亦
豈得謂之卑臨尊蓋三王皆肇基之主而追王之且
尊歸於祖父亦理當然耳

用東
萊補

上治祖禰尊尊也下治子孫親親也旁治昆弟合族以
食序以昭繆別之以禮義人道竭矣

繆音
穆

治正也繆與穆同竭盡也

鄭氏

聖人南面而聽天下所且先者五民不與焉一曰治親
二曰報功三曰舉賢四曰使能五曰存愛五者一得於
天下民無不足無不贍者五者一物純繆民莫得其死
聖人南面而治天下必自人道始矣

繆音謬

純猶錯也李氏云物被飾而不周曰純物被飾而過
實曰繆○五事得則民足一事失則民不得其死故
治民莫先於人道人道謂此五事

鄭氏

立權度量考文章改正朔易服色殊徽號異器械別衣

服此其所得與民變草者也其不可得變草者則有矣
親親也尊尊也長長也男女有別此其不可得與民變
草者也

權稱錘度丈尺量斗斛文章禮法服色車馬徽號
旌旗之名器械禮樂器及兵甲衣服吉凶之制。此
借制度之可變以形人道之不可變主人道言也

補

同姓從宗合族屬異姓主名治際會名著而男女有別
同姓父族從宗謂從大小宗合族屬謂合之於宗子

之家序昭穆也異姓謂來嫁者主名謂夫為父行則主母名夫為子行則主婦名治際會謂治其昏禮交接之會各有分別不亂也

鄭氏
孔氏

其夫屬乎父道者妻皆母道也其夫屬乎子道者妻皆婦道也謂弟之妻婦者是嫂亦可謂之母乎名者人治之大者也可無慎乎

昭穆各係其夫兄弟之妻止同一行

補

四世而總服之窮也五世袒免殺同姓也六世親屬竭

矣免音問

四世共高祖而總麻服盡五世共高祖之父服袒免而無正服殺同姓也六世共高祖之祖不復袒免止同姓而已故親屬竭

鄭氏孔氏

其庶姓別於上而戚單於下昏姻可以通乎繫之以姓而弗別綴之以食而弗殊雖百世而昏姻不通者周道然也

庶衆也始祖為正姓高祖為庶姓戚親也單盡也

庶姓別於上謂自高祖各為氏族矣戚單於下謂至
四從兄弟而親屬盡矣問可以通昏姻否子荅謂連
繫之以本出之姓而不分別綴屬以飲食之禮而不
殊異族人雖相去百世不通婚姻周道然也此記者

自為問荅以明其義

用孔氏說

服術有六一日親親二曰尊尊三曰名四曰出入五曰
幼六曰從服

術猶道也親親之服父母為首尊尊君為首名謂世

母叔母之屬出入謂女子子嫁者及在室者或謂出妻之子為母朞為人後者為其父母朞婦當喪而出則除之未練而反則朞之類也長幼謂成人及殤從服若夫為妻之父母妻為夫黨

本齊氏說

從服有六有屬從有徒從有從有服而無服有從無服而有服有從重而輕有從輕而重

屬從如子於母之黨以親而從服為屬從徒從如臣為君之黨本非親而從服為徒從從有服而無服如

公子為其妻之父母從無服而有服如公子之妻為公子之外兄弟從重而輕夫為妻之父母從輕而重公子妻為其皇姑

鄭氏

自仁率親等而上之至於祖名曰輕自義率祖順而下之至于禰名曰重一輕一重其義然也

用恩則父母重而祖輕用義則祖重而父母輕

鄭氏

君有合族之道族人不得以其戚戚君位也

君當親其族族不當自以為親而褻君

補

庶子不祭明其宗也庶子不得為長子三年不繼祖也

庶子上不敢瀆其祖下不敢重其嗣尊歸於宗也

陳氏

別子為祖繼別為宗繼禰者為小宗有百世不遷之宗有五世則遷之宗百世不遷者別子之後也宗其繼別子之所自出者百世不遷者也宗其繼高祖者五世則遷者也尊祖故敬宗敬宗尊祖之義也

別子謂諸侯第二子以下悉不得禰先君別自為後世之始祖繼別謂別子之世適族人皆宗之是為大

宗百世不遷繼禰則父之適子兄弟宗之是為小宗

傳至五世服盡則遞遷

用孔氏說

有小宗而無大宗者有大宗而無小宗者有無宗亦莫之宗者公子是也

別子之諸子祭別子別子雖是祖於諸子實則禰也繼禰者為小宗是為有小宗而無大宗別子之適子即繼父為大宗是為有大宗而無小宗別子為祖上不敢宗諸侯下亦無他公子來宗已是為有無宗亦

莫之宗此三者唯公子有故結曰公子是也

孔氏
伊川

公子有宗道公子之公為其士大夫之庶者宗其士大夫之適者公子之宗道也

公子之公者公君也○公子非宗而有宗道焉謂君復命其次庶代已為宗以宗主士大夫羣庶之在位者此公子之宗道也

通
典

絕族無移服親者屬也

移以
政反

絕族無移服謂四從兄弟無服在旁而及曰移言不

遷移及之也有親者各以其屬為服故曰親者屬也

合東萊

孔氏說

自仁率親等而上之至於祖自義率祖順而下之至於
禰是故人道親親也親親故尊祖尊祖故敬宗敬宗故
收族收族故宗廟嚴宗廟嚴故重社稷重社稷故愛百
姓愛百姓故刑罰中刑罰中故庶民安庶民安故財用
足財用足故百志成百志成故禮俗刑禮俗刑然後樂
詩云不顯不承無斁於人斯此之謂也

數音亦

刑猶成也。數厭也。○率親而上至於祖則始乎親親，率祖而下至於禰則終乎親親，故人道親親而已。推親親之極至於禮俗成而人樂之不厭。

合方氏
孔氏

少儀第十七

聞始見君子者，辭曰：「某固願聞名於將命者，不得階主。敵者曰：『某固願見。』罕見曰：『聞名。』亟見曰：『朝夕。』瞽曰：『聞名。』

始見之見賢編
反亟去聲反

不得階者，自謙不得其階而進也。古注乃以不得階

主為句諸家費辭不可曉主敵謂主人敵體者也亟

謂數見

補

適有喪者曰比童子曰聽事適公卿之喪則曰聽役於司徒

比方氏去聲讀願比於執事者俱執事也凡適於有喪者之家以助事為主

補

君將適他臣如致金玉貨貝於君則曰致馬資於有司敵者曰贈從者

適他謂出朝會臣致貨以助諫曰馬資謂芻秣

補

臣致禭於君則曰致廢衣於賈人敵者曰禭親者兄弟
不以禭進

以衣遺死者曰禭君諫曰廢衣不敢必其以歛也
於賈人以其知物善惡也周禮玉府有賈人掌受獻
敵體則直曰禭若親者相禭則直陳之不執以將命

曰進也

本鄭氏說

臣為君喪納貨貝於君則曰納甸於有司

甸謂田野之物此臣為君喪進物之辭

贈馬入廟門賻馬與其弊大白兵車不入廟門

昭芳仲反

以馬送死曰贈大白兵車草路之旗為送喪之從車

○贈馬送死故入廟門賻馬弊以下助主人喪用故

不入廟門

孔氏

賻者既致命坐委之擯者舉之主人無親受也

凡饋者拜受有喪者不得拜受故賻者委之地擯者

舉而取之

孔氏說

受立授立不坐性之直者則有之矣

受授皆立則不坐人性有不能委曲如禮者雖坐君

子不責也性之直猶所謂直情徑行者歟

本山陰陸氏及晦菴

說

始入而辭曰辭矣即席曰可矣排闥說屨於戶內者一

人而已矣有尊長在則否

說吐活反

闔謂門扉排謂推之使開在在內也○始入門主人

辭謝於賓擯者告主人曰辭謝賓矣謂辭謝賓今先

入至賓主升堂各就席擯者恐賓主辭讓即席故云
曰可矣言止不須辭也賓主登席衆入戶內雖尊卑
相敵猶推一人為尊得脫屣於戶內餘皆於戶外然
其內若先有尊者在則亦不敢於戶內脫屣本孔氏說
問品味曰子亟食於某乎問道藝曰子習於某乎子善
於某乎

問於人各婉其辭

補

不疑在躬不度民械不願於大家不訾重器

訾計度也重寶也械古作兵械慶源輔氏作機械○
不疑在躬者有諸已之謂信不度民械者不逆詐居
室以苟完為善用器以粗足為給故不願慕人之大
家不訾計人之寶器也

集補

汜埽曰埽埽席前曰拚拚席不用鬣執箕應搗

汜芳飢反埽悉

報反拚弗蓮

反搗音葉

汜廣也鬣埽之末如鬣也膺宵前搗箕之舌也內外
俱滌蕩曰汜埽埽除席前之穢曰拚席上不用鬣以

其常用埽地而不潔也持箕古自嚮冒前不敢嚮尊

者

孔氏說

不貳問問卜筮曰義與志與義則可問志則否

不貳問謂卜筮當正心義公理志私意義志為貳

孔用

補氏

尊長於已踰等不敢問其年燕見不將命過於道見則

面不請所之喪俟事不植弔侍坐弗使不執琴瑟不畫

地手無容不翬也寢則坐而將命

燕見之見賢過反畫胡麥反

踰等父兄黨也燕見不將命者就其燕居而見若子弟然不敢用賓主禮也過於道可避則避不敢煩動也不請其所往恐或有私便也事謂朝夕哭奠之時弔喪必俟其行事不敢非時獨坐弔亦不敢故煩動之也侍坐非使之不敢執琴瑟不因畫地指說斂手不為容雖暑不揮扇尊長寢則坐而將命不敢下臨之也

合鄭氏
孔氏說

侍射則約矢侍投則擁矢勝則洗而以請客亦如之不

角不擢馬

矢箭也射者先設箭中庭上耦下耦更進取箭各得四箭而升堂若侍尊長則不敢與更迭一時并取四矢為約矢投者投壺其矢則投壺之箭以柘與棘為之非竹箭之箭投壺則委矢於地坐而一一取之侍則不敢委之地而以手并抱為攤矢勝則洗爵而以請謂不敢使他子弟酌酒以罰尊者必自洗爵而請行觴客若勝亦洗爵而請自飲角謂罰爵之觥馬者

投壺立筭為馬馬有威武射者所尚每一勝立一馬
至三馬而成勝不角者不敢用巨觥為罰不擢馬者
不敢拔擢我馬在他馬之上皆敬讓尊上也

集孔氏
晦菴補

執君之乘車則坐僕者右帶劔負良綏申之面拖諸臂
以散綏升執轡然後步

拖徒可反
臂音覓

執執轡也良綏君所執以登車之綏散綏御者所執
以登車之綏也臂軾上之覆苓也○執君之乘車則
坐謂守君之車者君不在車故坐以示不行也僕者

御車之臣時君未登車御者帶劔於腰之右邊負君之良綏於背申之於面前拖於式上之臂已則別執散綏以升車執六轡在手然後試車行五步而立此言為君駕車君猶未登車也

用晦
卷說

請見不請退朝廷曰退燕游曰歸師役曰罷

見賢通反
罷音皮

請見者慕德不請退者嫌於簡賢朝廷曰退嫌於貪進燕游曰歸嫌於忘返罷者休止之名易曰或鼓或

罷師役既事則休息之也

用東
氏補

侍坐於君子君子欠伸運笏澤劔首還屨問日之蚤莫

雖請退可也

欠起劔反還音旋
蚤音早莫音暮

志倦則欠體疲則伸運以手動澤以手摩還以手轉

之○凡皆倦怠之狀長者如此侍者請退可矣

鄭氏
孔氏

事君者量而后入不入而后量凡乞假於人為入從事

者亦然然故上無怨而下遠罪也

乞如字
又音氣

量謂度己之才與君之德乞假從事皆量其可

劉氏
說

不窺密不旁狎不道舊故不戲色

不窺密嫌伺人私不旁狎不泛與人狎習不道舊故
恐揚人宿過取怨不戲色當莊重

鄭氏
晦菴

為人臣下者有諫而無訕有亡而無疾頌而無譎諫而
無驕急則張而相之廢則埽而更之謂之社稷之役○
亡去也疾怨也驕恃諫行而慢也急與廢皆指政言

鄭氏
禮氏

母拔來母報往母瀆神母循枉母測未至士依於德游
於藝工依於法游於說母訾衣服成器毋身質言語

拔
蒲

未反報古音赴今如

字說如字又始親反

母拔來者事來則應母拔而致之母報往者事往則
已母追而報母瀆神當敬母循枉當改母測未至當
聽其自然藝射御之屬也說時變之制也衣服成器
毋訾毀其不然疑事則毋質

講義及孔氏方氏

言語之美穆穆皇皇朝廷之美濟濟翔翔祭祀之美齊

齊皇皇車馬之美匪匪翼翼鸞和之美肅肅雍雍

齊如字齊

皇之皇音

往匪音駢

欽定四庫全書

黃氏曰抄

與賓客言語形狀穆穆皇皇然或曰言行相顧齊齊
皇皇讀如歸往之往美鄭云當讀作儀

問國君之子長幼長則曰能從社稷之事矣幼則曰能
御未能御問大夫之子長幼長則曰能從樂人之事矣
幼則曰能正於樂人未能正於樂人問士之子長幼長
則曰能耕矣幼則曰能負薪未能負薪

大夫之子常習學於樂故長則曰能從樂人之事幼
則曰已能受政令於樂人

執玉執龜筮不趨堂上不趨城上不趨武車不式介者
不拜

於重器於近尊於迫狹無容兵車不以容禮下人

此鄭

婦人吉事雖有君賜肅拜為尸坐則不手拜肅拜為喪
主則不手拜

肅拜俯其首而肅之也手拜手至地也為尸為祖姑
之尸也婦人以肅拜為正雖君賜及為尸而或答拜
皆不手拜而但肅拜為喪主則不手拜者為夫與長

子當稽顙

鄭氏
陳氏

葛經而麻帶

經首經婦人所貴在要帶

鄭氏

取俎進俎不坐

以俎有足立而進取便

孔氏

執虛如執盈入虛如有人

重慎

鄭氏

凡祭於室中堂上無跣燕則有之

祭不跣主敬燕有跣為歡

鄭氏

未嘗不食新

人子不忍先食

僕於君子君子升下則授綏始乘則式君子下行然後
還立乘貳車則式佐車則否貳車者諸侯七乘上大夫
五乘下大夫三乘

君子升降皆僕授綏君子下車而行然後僕還立其
處朝祀之副車曰貳尚敬故式田獵之副車曰佐尚

武故不式

集鄭氏
孔氏說

有貳車者之乘馬服車不齒觀君子之衣服服劔乘馬弗賈

不齒不敢次論其年弗賈弗敢評議其價

孔氏

其以乘壺酒束脩一犬賜人若獻人則陳酒執脩以將命亦曰乘壺酒束脩一犬其以鼎肉則執以將命其禽加於一雙則執一雙以將命委其餘

乘壺四壺也於卑者曰賜於尊曰獻加多也多於一

雙者止執一雙而委陳其餘

孔氏

犬則執縹守犬田犬則授擯者既受乃問犬名牛則執

紉馬則執勒皆右之臣則左之

縹息列反守手又反又如字紉文引反勒丁歷

反

縹牽犬繩守犬守禦宅舍田犬田獵所用紉牛繩勒

馬韁臣所獲臣虜犬牛馬右之惟臣虜則左之者右

手防其不測

用乳氏說

車則說綏執以將命甲若有以前之則執以將命無以

前之則袒橐奉冑器則執蓋弓則以左手屈韜執拊劍
則啓櫝蓋襲之加夫褱與劍焉

說吐活反奉芳勇反獨音獨拊芳武反櫝音獨

夫音扶褱

如遙反

綏執以登車者橐甲衣冑兜鍪韜弓衣拊弓把櫝劍
函夫褱劍衣○獻車者脫綏而執之以將命曲禮云
獻車馬者執策綏甲若他有摯幣則執之無則袒橐
見甲奉其冑以將命曲禮云獻甲者執冑器則執器
之蓋弓則左手屈卷其弓衣而以弓拊將命曲禮云

右手承簫左手承拊劒則先開劒函之蓋襲之者以蓋卻合於函下加函底於上而重合之故云襲加夫

禱與劒者又加劒衣於函中而以劒置劒衣上

鄭氏孔氏

笏書脩苞苴弓茵席枕几穎杖琴瑟戈有刃者櫝篋籥其執之皆尚左手刀卻刀授穎削授拊凡有刺刀者以

授人則辟刀

穎京領反削音笑辟音避

苞苴編萑葦裹魚肉穎警枕也篋著也籥如笛三孔卻刀授穎之穎謂刀柄之末以其有鐐鄭注作鐐○

笏也書也脩脯也苞苴也弓也茵也席也枕也几也
穎也杖也琴也瑟也戈之有刃者櫝也策也籥也凡
十六物其執之皆尚左手刀則卻刀而授穎刀之有
削不露刃則亦授以其把凡有刺刃者皆不以正鄉

人

用孔氏
鄭氏補

乘兵車出先刃入後刃軍尚左卒尚右

出先刃向敵入後刃不以向國軍尚左將主生卒尚

右士主殺

鄭氏
說

賓客主恭祭祀主敬喪事主哀會同主誦軍旅思險隱情以虞

詡長樂劉氏謂煦也援經云德發揚詡萬物人君法天地作會同慶源輔氏曰軍旅思險者臨事而懼隱情以虞者好謀而成

集

燕侍食於君子則先飯而後已毋放飯毋流歎小飯而亟之數噍毋為口容客自徹辭焉則止

飯扶晚反亟紀力反數色角反

噍子
笑反

先飯若嘗食然後已若勸食然小飯小口而飯亟謂疾速而咽數唯謂數數嚼之無得弄口食訖自徹主

辭則止

孔氏

客爵居左其飲居右介爵酢爵俱爵皆居右

僕音遵

客爵謂主人酬賓之爵賓不舉奠觶于薦東是客爵居左旅酬之時一人舉觶于賓賓奠于薦西至旅酬賓取薦西之觶以酬主人是其飲居右介者賓之輔也酢者賓所以酢主人也僕者鄉人為卿大夫來觀

禮者也主人獻介介飲獻賓賓酢主人主人既飲獻

僕是介爵酢爵僕爵皆飲爵故並居右

孔氏

羞濡魚者進尾冬右腴夏右鰭祭膾

鰭音祈膾火吳反

腴魚腹鰭魚脊膾剝魚腹大臠祭祭先也○進尾者

擗

補麥反

之由後鰾肉易離也冬時陽氣下在魚腹夏

時陽氣上在魚脊陽氣所在之處肥美右則以右手

取食之便也祭先則以大臠之美

本孔氏說

凡齊執之以右居之於左

齊才細反

齊謂食羹醬飲有齊和者

贊幣自左詔辭自右

為君授幣則由君之左為君傳辭則由君之右

酌尸之僕如君之僕其在車則左執轡右受爵祭左右

軌范乃飲

范音紀

范與軌同軌謂轡末范謂軾前○僕為尸御車者酌之則尸先祭車之左右軌及前范乃自飲祭者求神助使不敬危也

凡羞有俎者則於俎內祭君子不食圉腴小子走而不趨舉爵則坐祭立飲凡洗必盥牛羊之肺離而不提心凡羞有滑者不以齊為君子擇葱薤絕其本末羞首者進喙祭耳

圉與泰同音惠提
丁禮反滑起及反

俎內近人之處故祭先食不出於俎外國大豕之屬腴豬大腸也豬大亦食米穀與人同故君子避其腴不食小子走而不趨卑不得與賓介俱備禮容也舉爵先坐祭而後立飲坐祭為神立飲則已不可不敬

也飲訖而洗爵亦先盥手先自潔也祭肺之法剝離而不絕心心謂肺中央少許提猶絕也清汁也有滓者不再以鹽梅齊和嫌於薄主人之味也葱薤必絕其本末羞牲頭者進口以嚮長者若祭先取耳

孔氏

尊者以酌者之左為上尊尊壺者面其鼻飲酒者機者

醢者有折俎不坐未步爵不嘗羞

機其記反

尊者設尊者也設尊之人預度酌酒人之左尊而實以玄酒必以尊之鼻當面浴而飲曰機冠而飲曰醢

折骨體於俎曰折俎折俎為尊者故機醯若有折俎

者則不坐步爵者行爵不當羞

晦菴
孔氏

牛與羊魚之腥聶而切之為膾麋鹿為菹野豕為軒皆

聶而不切膚為辟雞兔為宛脾皆聶而切之切葱若薤

實之醢以柔之

軒音獻辟音
壁脾毗支反

牛羊魚聶而切之謂先牒

直報
反

為大臠而後報切之

為膾菹以采為此云麋鹿為菹者制造之法如之也

軒者大切之名辟雞宛脾皆菹之類

孔氏
方氏

其有折俎者取祭反之不坐燔亦如之尸則坐

折俎折骨於俎俎有足柄稍高故取肺以祭既而反之皆可立而不坐燔肉於火亦然惟尸尊則坐

孔氏

衣服在躬而不知其名為罔

衣服皆有名義所以著德罔猶罔罔無知貌

孔氏鄭氏

其未有燭而有後至者則以在者告道瞽亦然凡飲酒為獻主者執燭抱燋客作而辭然後以授人執燭不讓

不辭不歌

道音導燋側角又子約反或在還反

以告者以夜暗不見燋謂未然之炬不讓不辭不歌

皆為夜飲殺禮

孔氏

洗盥執食飲者勿氣有問焉則辟呬而對

辟臣亦反
呬而志反

為尊長洗爵盥手執飲食勿以口氣及尊長謂屏氣

也辟呬而對者口旁曰呬辟呬者辟之也

孔氏
方氏

為人祭曰致福為已祭而致膳於君子曰膳祔練曰告

凡膳告於君子主人展之以授使者于阼階之南南面

再拜稽首送反命主人又再拜稽首其禮大牢則以牛

左肩臂臠折九个少牢則以羊左肩七个植豕則以豕

左肩五个

臠反

曰致福曰膳曰告此皆致祭祀之餘於君子之辭自
祭言膳謙辭也祔練言告不敢以為福膳也主人展
之展省具也送與反命皆拜敬之至也折斷分之皆
用左者右以祭也九个者取肩自上斷折之至蹄為
九段以獻之也

鄭氏孔氏方氏

國家靡敝則車不雕幾甲不組滕食器不刻鏤君子不

履絲屨馬不常秣

幾其
衣反

雕幾雕畫漆飾幾微也以微為工組滕甲飾滕約也



黃氏日抄卷二十